

ARCHIVIO GENERALIZIO - Sezione Storica

Chierici Regolari Somaschi

n. P4B 1165

Jisewjin

Covansa, 1 febbraio

Lovanii, Kal. Febr. MCI

Carissime Pater!

Quod iamdudum de me meisque nil audiveras, non ortum esset e mala voluntate vel irato (quid tandem visceras!) animo, verum anis temporis vacui angustiis imputandum. Nescio enim te iam scripserim me ab hoc anno academico non binas sed quaternas horas singulis hebdomadalibus de grammatica latinae praelegere debere. At quae antea exsequenda erant officia nulla ex parte adlevata sunt! Opuscula et pensa CLXV studiosorum diligenter corrigenda sunt; investigationes scientificae continuandae, iter Romanum parandum, unox filiolaeque duae curandae. Accessit denique quod exeunte anno MCMXI plagulae corrigendae erant libri mei docti "De sacerdotibus sacerdotisque Alexandri Magni et Lagidarum eponymis", qui dudum Bruxellis prodit. Quod autem ad novum annum nihil nisi, eo factum est quod apud nostros — si charitas pietas pueris mittendas exaperis — hic nos fore exolevit.

Nunc priusquam de aliis rebus loquar, ex animo vota mea exprimere velim de bona valetudine, quam te recuperare oporteret cupimus et volumus. Ne nimis te ipse fatigaveris! Cura, quaesumus, te ipsum ut multis olim etiam prodesse possis oratione et scriptis. Heri accipi commentationem tuam de Stampa poeta, altero post Paulum Diaconum Lari locus praesone latino. Huius poetae nomen et "epigrammatum centurias" fama saltem noveram. Epigrammata autem nunquam legeram, utpote quae apud nostros praesto non essent. Gaudeo imprimis quod hunc poetam seriosem ab oblivione vindicasti! Ego velim aliquando historiam conscribere poesis latinae saec. XVII-XIX at... pleraque opera mihi desunt. Bibliotheca Lovanienis, ut scis, his incendio delicta est. Itaque ut exemplum proferam, nullum Vallaurii opus possidemus, perpaucis opera poetica scriptorum e S. J. etc.! Spero me in Italia quaedam legere et excerpere posse. Anulio etiam gnoro quorundam amicorum e Germania, qui multa de poetis latinis Germaniae saeculi XIX acquisiverunt, atque e Croatia, qui poetas Croatas mihi descripturi sunt. Semper acerbe doleo praestantissimos poetas Latinos, quia seniore aetate vixerunt, obscura oblivione premi: puta Sorbierum, Baldem, Lanettarium, Rapinum, Hosschium innumerisque alios!

Gratias etiam, cara amice, propter subtilissimam libri nostri existimationem! Opuscula, quae omisi et a te adducentur, non novi nec Lovanii praesto sunt. Ut apud te erimus, diligenter eo e-notabo. Itaque, quaeso, eius rei reminiscere!

Communi advenimus, si faustum iter nobis praestat Deus, die 17^a mensis aprilis, ibique morabimur usque ad mane diei 19ae. Die 16a Andermatti pernoctabimus, dein tramite curriculum Gotthardianum pervehamus, ab Aereo tandem autocineto communi festinabimus ad te videndum.

Vale, optime Pater et valetudinem diligentissime cura!

Solutus t. te unox, Annula, Etisulaque.

(Arch. Lomasoa)